



TARXETA 11

MEDIACIÓN ORAL

(...../12.5 puntos)

PERSOA CANDIDATA A

Tempo de preparación: **2 minutos**

Tempo de intervención: **1-2 minutos**

TEMA: NATUREZA

Vostede leu o seguinte texto nunha publicación:

O biólogo Xabier Vázquez Pumariño explica a *Nós Diario* que a caza, como ferramenta de control do xabaril, pode resultar “contraproducente”. “Os xabarís, canto máis se capturan máis se reproducen, pois **nunha situación de estrés reaccionan reproducíndose moito e durante todo o ano**”, expón. “A solución, aínda que pareza contraintuitiva, pasa por deixar de cazalos ou limitar a caza as áreas nas que os xabarís fagan máis dano, como se fai en Cataluña”, engade o biólogo, engadindo que outra problemática do control do xabaril é que o seu único depredador, o lobo, tamén é cazado polo ser humano.

Fonte: <https://www.nosdiario.gal/>

TAREFA DE MEDIACIÓN ORAL

Debe tratar os seguintes puntos:

- **Explíquelles** á outra persoa candidata o que acaba de ler, coas súas propias palabras.
- **Sinale** cal é o punto de vista ou actitude de quen escribe o texto con respecto ao tema presentado.

Debe argumentar os seus puntos de vista.



TARXETA 11

MEDIACIÓN ORAL

(...../12.5 puntos)

PERSOA CANDIDATA B

Tempo de preparación: **2 minutos**

Tempo de intervención: **1-2 minutos**

TEMA: ECONOMÍA

Vostede leu o seguinte texto nunha publicación:

O forte impacto provocado pola pandemia do coronavirus colocou no centro do debate público o presunto dilema entre defensa da saúde e reactivación da economía. Unha e outra aparecen -en moitas das análises que se explicitan nos últimos meses- como obxectivos incompatíbeis ou excluíntes. Tal conclusión deriva dunha focalización discursiva que afasta o universo da economía do mundo social e do mundo físico. O mundo económico e o seu funcionamento non poden nin deben entenderse á marxe dos procesos sociais e do mundo físico. A organización da produción e distribución de bens e servizos debería acometerse en condicións de equidade social, sostibilidade e respecto aos dereitos humanos para que a casa común na que habitamos poida ser prudentemente administrada.

Fonte: <https://praza.gal/>

TAREFA DE MEDIACIÓN ORAL

Debe tratar os seguintes puntos:

- **Explíquelles** á outra persoa candidata o que acaba de ler, coas súas propias palabras.
- **Sinale** cal é o punto de vista ou actitude do/da autor/a con respecto ao tema presentado.

Debe argumentar os seus puntos de vista.